

中國方志叢書·華南地方·第一六四號

據

清·聶緝慶修，桂文熾纂
光緒十八年刊本

影印


廣東省

臨高縣志

(一)

成文出版社有限公司印行

sk/24/04



中國方志叢書·華南地方·第一六四號

據

清·聶緝慶修，桂文熾纂
清光緒十八年刊本

影印

廣東省

臨高縣志

(二)



sk124/04

成文出版社有限公司印行



中國方志叢書·華南地方·第一六四號

據

清·聶緝慶修，桂文燾纂
光緒十八年刊本


影印

廣東省

臨高縣志

成文出版社有限公司印行

sk124/04



中華民國六十三年六月臺一版

臨高縣志

全三冊

發行人：黃 成 助

台北市郵政信箱二二六〇五號
出版者：成文出版社有限公司

台北市郵政信箱二二六〇五號
台北市濟南路三段二十七號之二
電話：七八七〇二五

印刷者：成文出版社有限公司

內政部登記證內版台業字第一一四七號

臨高縣志

臨江書院藏板

光緒壬辰
重脩校集

續脩臨高縣志序

緬昔瓊管郡城肇脩地志萬安州治初作圖經紀撰述於溟南溯權輿於宋後若夫臨高縣治則名沿唐代地徙莫村自隸瓊臺舊傳邑乘而元代洗甌之作記久佚全書有明曾唯之續編原無錢本

大清開創

文治覃敷

國初瓊守牛賈二公咸成府志康熙乙酉前令樊君

庶

懸文告以採訪繼曩編而纂脩雌黃所如或未遑於攷覈汗青速竟藉以廣其流傳惜簡斷而篇殘久矣朽而

蟲蠹糾於光緒丁亥之秋奉檄權任綰符履新入境而亟念瘡痍見士而多詢疾苦先是土客之民互鬪兵燹之既頻仍猿鶴蟲沙劫灰化後茅烟箐雨戰壘森然勉籌善後之方遂慙公餘之暇莽伏戎而可慮莠非種而宜鋤迨靖邊氛未忘文事因念夫百里地之故實百餘年之軼聞非藉蒐羅曷資考鏡會邑紳多有以脩志請者敢希宋代名流高似孫錄成剡縣竊慕勝朝傳作康對山志輯武功前事可師詢謀僉協焉江文通不云乎作史之難無出於志矧今秉筆尤未易言蓋前書本非完帙亦止傳鈔迴殊影寫之工殆甚叢殘之病別風

淮雨存奇字而滋疑亥豕魯魚踵譌文而誰辨校擬然
藜之照視同埽葉之紛此考訂之宜詳也年湮世遠人
往風微家孰承乎賜書亭豈存乎野史難諮耆而訪耄
空懷前哲緒言將收籍而索圖並乏私家著述未容因
陋就簡所期遠紹旁蒐此訪求之宜博也於是或披往
牒或檢叢書或延訪於薦紳或諏諮於黎老雖栽花政
拙而屬草心殷別類分門發凡起例及逢瓜代需次穗
城復與紹興汪芙生琬司馬南海桂昌山文熾明經
推編次臨高邑紳鄭君賓卿黃君積堂薛君策卿林君
熙齋鄭君緝侯謝君德卿等與同校訂釐爲二十四卷

且證以省郡志書及乎古今文籍彌勤思誤庶孚沿訛
光陰往來屢易寒暑卷帙徵引詎殫見聞在會垣而遂
付手民倡捐鶴俸藏講院而永貽多士珍重鴻篇便司
牧之汎覽流觀備輶軒之兼收博採洵鉅典也抑更有
期於時彥焉往者蘇玉局之銘硯芳躅曾留胡邦衡之
授經流風未沫簞幕蜚聲於南宋桐鄉馳譽於前明邑
人士羣奉師資鄉先生多垂教澤人文蔚起儻如鄒魯
之儒風科第鼎興並繼海邱之勲業不其偉歟若後之
官斯土者化起循良才兼著作思精體大旣擅美於三
長糾繆繩愆更折衷於一是夫惟大雅企予望之已

臨高縣續脩志序

嘗攷周官小史掌邦國之志外史掌四方之志志固史之支派也昔子朱子守南康甫下車卽徵郡志又嘗謂脩志爲從政要務則志乘之書不綦重歟此 邑侯聶公所以有續脩臨高縣志之舉也吾邑肇建於隋其易今名自唐開元始徙縣治自宋紹興始嗣後師承有自風氣日開二戴王桐鄉劉心瓊鄉先生後先輝映卓然可傳且溯自有明以來登科第而通仕籍者亦日以寔盛也洪惟

國家文德誕敷聲教暨訖海隅蒼生沐浴

聖澤有官師之責者循良報最尤不一其人焉光緒十三年秋九月 聶公權知縣事公先宰文昌澄邁等縣著政聲以治二邑者治吾邑爲政以安民爲要邑之民故教樸也難以黎岐號爲難治同治六年後又有徙居之客氓十餘年尙稱安謐自倡亂於光緒戊寅而居人大受其害矣九十年間嘯聚陸梁亂萌又起十一年海防戒嚴之時由是豕突狼奔恣行焚殺刦掠以致人民塗炭村市坵墟屢煩大兵剿撫而後已公之始蒞任籌辦土客善後事宜也意在聯和未嘗歧視於除莠安良興利革弊諸實政次第舉行嘗以爲用兵戡亂猶醫病


者治其標而病源故在也亟思設教申義以培治本化
頑梗而薰善良適奉 雷瓊道朱公 采轉奉 制府張
公之洞頒發義學章程卽擇城鄉墟市設立義塾月朔
望集子弟之良秀者誘掖獎勸之其有造於斯民甚厚
嘗捐俸葺胡李二公祠以寄仰高之思其志趣可知矣
簿書之暇訪求邑志弗獲後從王茂才 正樞 假得康熙
間前令樊侯 庶舊志抄本四冊非獨亥豕爲舛抑且根
銀多誤幾不可卒讀且雍乾後百數十年之事闕然弗
傳謀踵脩之邑摺紳僉曰善分任採訪爲時忽猝未能
詳備而公以瓜期去任矣需次羊城始創草藁繼權知

揭陽縣篆仕優而學與同人重加搜討肘書曰營十閱
月而告竣今卸任旋省適當大比之年多士雲集爰以
志稿見示受而讀之凡省府志以及古今圖籍徵引宏
富於邑紳之採訪者亦審定編入爲門一十有三分二
十四卷簡端恭錄

訓典垂教萬世若輿圖星象土地人民政事文學與夫
古今事變分類編纂綱舉目張裒然成集存一方之掌
故貽後世之信徵甚盛事也後之守土者庶得以考鏡
得失詳求化理上以仰副

聖天子同文之治而下爲士民觀法之資其爲功於吾

邑也豈淺鮮哉是編之刻公竭力倡脩肩任剗剔之賁
辱承問序予無以贊一詞惟羨公斯舉補前人之闕略
爲士林所稱美而又多諸君之克勸厥成也於是乎書
光緒十七年歲次辛卯邑人鄭國光謹序



重脩臨高縣志職名

主脩捐廉刊志

臨高縣知縣聶公緝慶

主脩

臨高縣知縣張公延

鑒定

臨高縣訓導馮公毓熊

臨高縣典史崔公述祖

纂脩鑒定

南海縣增貢生桂文熾

職名